

दुह ए॒वैनां॑ तेन॑ । तदाहुः॑ । यद्वा॑द॒शोऽग्निः॑ स्याद्वा-  
द॒शस्तोम॑ ए॒काद॑श॒ यूपाः॑ । यथा॒ स्थूरि॑णायायात् । ता-  
दृक् तत् । ए॒कविं॑श ए॒वाग्निः॑ स्यादित्याहुः॑ । ए॒क-  
विं॑शस्तोमः॑ । ए॒कविं॑शति॒र्यूपाः॑ । यथा॒ प्रष्टि॑भि॒र्या-  
ति॑ । तादृ॒गेव॑ तत् ॥ ३ ॥

यो वा अ॒श्वमे॒धे ति॒स्रः क॒कुभो॑ वेद॑ । क॒कुड्वा॒ राज्ञां॑  
भवति॑ । ए॒कविं॑शोऽग्निर्भवति॑ । ए॒कविं॑शस्तोमः॑ ।  
ए॒कविं॑शति॒र्यूपाः॑ । ए॒ता वा अ॒श्वमे॒धे ति॒स्रः क॒कुभः॑ ।  
य ए॒वं वेद॑ । क॒कुड्वा॒ राज्ञां॑ भवति॑ । यो वा अ॒श्वमे॒ध  
ची॒णि शी॒र्षाणि॑ वेद॑ । शि॒रो ह॒ राज्ञां॑ भवति॑ ॥ ए॒कविं॑-  
शोऽग्निर्भवति॑ । ए॒कविं॑शस्तोमः॑ । ए॒कविं॑शति॒र्यूपाः॑ ।  
ए॒तानि॑ वा अ॒श्वमे॒धे ची॒णि शी॒र्षाणि॑ । य ए॒वं वेद॑ ।  
शि॒रो ह॒ राज्ञां॑ भवति॑ ॥ ४ ॥

द्वाद॒शस्तोमः॑ स ए॒व तच्छि॒रो ह॒ राज्ञां॑ भवति॑ षट्  
च॑ ॥ अनु० २१ ॥

द्वाविंशोऽनुवाकः ।

दे॒वा वा अ॒श्वमे॒धे प॒वमाने॑ । सु॒वर्गं॑ लो॒कं न प्राजा॑-  
नन् । तम॒श्वः प्राजा॑नात् । यद॒श्वमे॒धेऽश्वे॑न॒ मेध्ये॑नो-